

- [1] 香港嘅幼稚園一般會叫做幼稚園、幼兒園或者係幼兒學校。
- [2] 香港嘅舊式文具店除咗有齊紙筆等文儀用具之外，仲會賣鬥獸棋、象棋等益智玩具。
- [3] 小朋友由幼稚園到小學都係學寫字嘅階段，先生（老師）會派一啲硬筆或者書法練習畀佢哋好好練字。順帶一提，近年隨住電腦盛行，而家一代嘅手寫字已經無上一代咁靚喇。
- [4] 為咗吸引小朋友學習，好多文具都會有卡通公仔喺上面，啲公仔通常係嗰期流行嘅動漫，有啲印有卡通公仔嘅文具仲係期間限定嘅添。
- [5] 講到擦膠，不得不提小學生之間好流行嘅彈擦膠遊戲，遊戲方法係每人放一嚟擦膠喺枱，邊個鬥快將同學嘅擦膠彈落地下，而自己舊擦膠仲留喺枱上面，邊個就贏。為咗減少摩擦力，有啲人仲會釘粒釘落擦膠度添㗎。
- [7] 除咗彈擦膠，關於擦膠嘅小遊戲仲有將啲擦膠碎整做一粒擦膠波。有啲小朋友會將擦膠碎收集起嚟，藉此同朋友鬥邊個粒擦膠波大啲。
- [8] 除咗筆會有唔同形狀，文具鋪仲會賣唔同形狀嘅寫字膠，有三角形、圓形等模仿手握接觸面嘅寫字膠，呢啲寫字膠係為咗等小朋友學識正確嘅揸筆手勢。
- [9] 香港小學有個特別嘅不成文規定——就係低年班唔准用原子筆寫字，去到高年級就剩係可以用原子筆寫字。呢個規定可能係因為低年班比較容易寫錯字，用鉛筆就比較容易改正。
- [11] 除咗用靸皮嚟形容頑皮之外，我哋仲會用調皮、衰仔包、衰女包嚟形容唔聽話嘅小朋友。

by Ingrid